

周

易

周易上經

孔氏蕪雪樓影鈔本

元董中行若水叅

乾元亨利貞

乾上
乾下

六畫皆奇上下皆乾陽之純健之至故名乾文王以人君有至健才德則推準動化當得元亨然必純心純政正固不易乃利而元亨可保。王道四達不悖元亨也王道至正無私利貞也維根健未是一時事元大也亨通也利宜也貞正而固也

初九潛龍勿用

初陽在下龍德而隱者也故宜處而勿出

九二見龍在田利見大人

剛健中正出潛離隱如龍見于田而霖雨及物此遭時之大人也君民皆利見之

九三君子終日乾夕惕若厲无咎

重剛不中居下之上大臣處危地者也幸性辭剛健能乾惕者在君子憂懼如是則夙夜匪懈區處白周雖危何咎

九四或躍在淵无咎

九陽四陰能疑之人居上之下可疑之地故欲進而審天命卜人心如龍或躍而尚在淵則審而後進順天應人何咎

九五飛龍在天利見大人

剛健中正以居尊位如龍飛于天而澤及天下此德位兼隆之大人也臣宜見以翊運民宜見以蒙休

上九亢龍有悔

陽極于上動必有悔。亢者過于上而不能下之意也

用九見群龍无首吉

爻皆用九則陽皆變陰是為治者到濟以柔如龍之剛在首而今見其无也不茹不吐畏威懷德吉。蓋六陽皆變剛而能柔吉之道也

彖曰大哉乾元萬物資始乃統天

此以天道明乾而首釋元也。天地間元氣一到衆有隨之是萬物皆資以始而不但始也。自生而成。總此一元貫徹是資始者。乃又統天者不其大歟。乾元天德之大始。故萬物之生皆資之以為始也。又為四德之首而貫乎天德之始終。故曰統天。

雲行雨施品物流形

氣始必亨。將亨時節雲行雨施而品物胚胎于中者。悉流行形于外。此乾之亨也。

大明終始六位時成時象六龍以御天

是元亨也。天以生萬物。聖人以生萬民。彼天道終于貞復。始于元時也。聖人大明此時。因見卦之六位亦

各以時成由是乘此六龍以運治張弛闊濶與時偕
行而天道終始之妙在我駕馭中矣非聖人之元亨
乎。始即元也終謂貞也

乾道變化各正性命保合太和乃利貞

天道自變而化自元亨而利貞也物至此生意各足
是性命之理各正也元氣飽滿是太和之氣保合也
斯則收斂歸藏乃乾之利貞也。此言乾道變化元
所不利而萬物各得其性命以自全以釋利貞之義
也

首出庶物萬國咸寧

是利貞也天以成萬物聖人以成萬民乘龍御天教

養已敷至此端拱無為而萬國咸遂生復性矣非聖人之利貞乎

象曰天行健君子以自疆不息

天行一日一周明日又一周至健也君子法之天德之剛常伸萬物之上則自強不息與天同健矣。君子法之不以私欲害其天德之剛

潛龍勿用陽在下也

以下七節皆作夫子小象

陽剛有德在下無時其隱宜也

見龍在田德施普也

見龍在田則德之所施普及天下

終日乾：及復道也

以道事君而反復其事君之道以道治民而反復其治民之道

或躐在淵進先咎也

可以進而不必進則進必以時何咎

飛龍在天大人造也

言以大人之德與起在天子之位。造猶作而在上也

亢龍有悔盈不可久也

滿招損其能久乎

用九天德不可為首也

陽剛不可為物先故大陽皆變而吉

文言曰元者善之長也亨者嘉之會也利者義之和也
貞者事之幹也

首言四德其于人次言君子體四德末歸到經文總
以人之四德釋乾元亨利貞也元者吾性中生理得
之最先而無統四者是善之長也亨者吾性中品節
三千三百皆本于此是嘉之會也利則性中裁制尊
卑上下各自得宜非義之和乎貞則性中靈明先定
守固事依以立非事之幹乎

君子體仁足以長人嘉會足以合體利物足以和義貞
固足以幹事

以仁為體則愛無不周自是長人嘉其所會則大小

高下動合乎禮因物定分別和生于辨而義無不和
知正守固則定見定力而事無不幹君子幹四德如
此

君子行此四德者故曰乾元亨利貞

誰無四德而惟君子行此者以君子至健耳故經文
不徒曰元亨利貞而必曰乾者以此。此第一節中
彖傳之意

初九曰潛龍勿用何謂也子曰龍德而隱者也不易乎
世不成乎名避世无悶不見是而无悶樂則行之憂則
違之確乎其不可拔潛龍也

所謂潛龍勿用者有聖德而隱者也但見不受易于

世不求成乎名不易則逝世矣而元悶不成則不見是矣而元悶此豈石隱哉時而樂也則行之今惟憂也則違之而憂樂之守有確不可拔者所以為潛龍也

九二曰見龍在田利見大人何謂也子曰龍德而正中者也庸言之信庸行之謹閑邪存其誠善世而不伐德博而化易曰見龍在田利見大人君德也

所謂見龍利見者言有聖德而正當潛躍之中也見其庸言自信庸行自謹如此宜尤邪可閑矣而且閑以存誠如此則善益一世矣而且謙冲不伐以斯當正中之時則德施普博君心正民德新有不知誰之

為者此雖未為君而君德已脩斯為大人而利見欤
九三曰君子終日乾々夕惕若厲无咎何謂也子曰君
子進德修業忠信所以脩德也脩辭立其誠所以居業
也知至至之可與幾也知終終之可以存義也是故居
上位而不驕在下位而不憂故乾々因其時而惕雖危
无咎矣

進德使高修業使成内主實心所以進德者言實踐
所以居業德之極至為至而至之微妙為幾知至而
本忠信以至之則凡神化性命為幾之不可測者可
與知之而德進業之歸宿為終而終之妙應為義知
終而由立誠以終之則凡處事撥物為義之不可執

者可與存之而業脩由是時居上則持盈不驕時居下則勝任不憂惟進脩故乾：時場惟可上可下不驕不憂則雖危无咎

九四曰或躍在淵无咎何謂也子曰上下无常非為邪也進退无恒非離羣也君子進德修業欲及時也故无咎

四不果上而又不安下跡似為邪而非也不果進而又不安退跡似離羣而非也果何心哉蓋其德已進業已脩心欲及時而上且進也如是而進何咎

九五曰飛龍在天利見大人何謂也子曰同聲相應同

氣相求水流濕火就燥雲從龍風從虎聖人作而萬物
覩本乎天者親上本乎地者親下則各從其類也

嘗以物理觀之聲同則唱和相應氣同則感應相求
流溼就燥一應求之理也從龍從虎一應求之氣也
物且然矣况聖人作而在上而臣民有不快覩者乎
而非天下之私聖人也試觀動物本天而其首親上
植物本地而其首親下物且各從其類如此聖人回
人類中之天地也而人有不從之者乎

上九曰亢龍有悔何謂也子曰貴而無位高而無民賢
人在下位而无輔是以動而有悔也

時亢與亢則失其位失其民失其賢所以動必有悔

。此第二節中象傳之意

潛龍勿用下也

非德不足時在下而當隱耳

見龍在田時舍也

有君德而居臣位未大為時用也

終日乾：行事也

非虛憂也實行進修之事

或躍在淵自試也

自試其可而後進

飛龍在天上治也

居上以治下而大沛其教養之政也

元龍有悔窮之災也

時窮與窮所以取災

乾元用九天下治也

乾君象元君道君道到而能柔天下無不治矣。此
第三節中前意

潛龍勿用陽氣潛藏

氣運尚歲故與俱歲

見龍在田天下文明

被其德化而成文明之俗

終日乾、與時偕行

時當憂惕故與行不息

或躍在淵乾道乃革

君道改革之際不可不審

飛龍在天乃位乎天德

以聖德君天位是其位也乃位乎天德也

元龍有悔與時偕極

時極而與俱極

乾元者始而亨者也

前四節造化之功後二節聖人之用乾元者豈徒始

物哉始別自無而有自有而著未有始而不亨者也

。此第四節又申前意

利貞者性情也

有始亨則有利貞利貞者物之性情于此可見者也
性成其性而渾然在中情成其情而油然而歆動也。
收歆歸歲乃見性情之實

乾始能以美利：天下不言所利大矣哉

由始亨性情觀之則知是乾元也一始則氣机萌動
必然暢達而能以美利：天下而又歆却神功不言
所利可見四德分布皆元所統乾之元大矣哉

大哉乾乎剛健中正純粹精也

四德統于元元又統于乾大哉乾乎今就四德之妙
想像之其骸則元始亨通利遂貞成專一不撓剗也
其用則元而亨而利而貞運行不息健也其行也四

存交接允過不及中也其立也各一其氣允少偏倚
正也且到健極其到健而純中正極其中正而粹純
粹極其純粹不可名狀而精也此乾所謂大也

六爻發揮旁通情也

純粹以精其情豈易言哉聖人以乾之六爻發揮之
而全乾精蘊曲盡于特成中矣。此節輕引起下文
特乘六龍以御天也雲行雨施天下平也

由是而知易一天也天與易一時也而乘此六龍之
時以御天則政流化洽如雲行雨施而天下熙熙皞
皞各得其所其而平矣。此第五節復申首章之意

君子以成德為行日可見之行也潛之為言也隱而未

見行而未成是以君子弗用也

以成德見之行宜指日可見初何以勿用哉蓋潛之為言時尚隱而未見是以行有待而未成君子當如之而勿用也

君子學以聚之問以辨之寬以居之仁以行之易曰見龍在田利見大人君德也

聚之辨之優游以俟之純篤以踐之二雖无君位而已成君德正由此成之也

九三重剛而不中上不在天下不在田乾：因其時而惕雖危无咎矣

重剛不中可危之資一人之下百僚之上又可危之

地故因時乾惕雖危无咎

九四重剛而不中上不在天下不在田中不在人故或之或之者疑之也故无咎

重字疑衍文

剛而不中能疑之資不飛不見已進已修又可疑之地故或上或下或進或退或于跡者正疑于心也疑故進而无咎

夫大人者與天地合其德與日月合其明與四時合其序與鬼神合其吉凶先天而天弗違後天而奉天時天且不違而况于人乎况于鬼神乎

道一也天地无私覆載日月无私照臨四時无私生成鬼神无私禍福一无私盡之矣大人无私者也而

有不合者哉是故易簡肖天地之体生成肖天地之
用合德矣欵明內蘊即日月之有明文明外見即日
月之代明合明矣仁義不偏即闡闢之有序剛柔迭
運即往來之不窮合序矣賞無私喜即鬼神之福善
罰無私怒即鬼神之禍淫合吉凶矣創古今所未有
而默契天理是謂先天而弗違順性命所固然而隨
時措置是謂後天而奉時天且弗違如此况人則天
所生也言而莫不信行而莫不敬天鬼神則天所運
也知焉而天神格廟焉而人鬼享天此為大人而利
見欵

元之為言也知進而不知退知存而不知亡知得而不

喪

身有進退位有存亡物有得喪

其唯聖人乎知進退存亡而不失其正者其唯聖人乎
善處亢者唯聖人知進必有退存必有亡而不失所
處之正道者唯聖人。此第六節復申第二第三第
四節之意

坤坤
上下

坤元亨利牝馬之貞君子有攸往先迷後得主利西南
得朋東北喪朋安貞吉

陰之純順之至故名坤人而能順則虛心順理行无
不得元亨而又守此順德不移始終乃牝馬之貞而

利牝馬之貞何如君子有所往而居先侶謀則不利
因人成事則利義主斷制則不利因勢利導則利往
西南則陰從陰類而利往東北則陰從陽類而不利
凡此皆君子之貞安守之不變則元亨而吉矣

彖曰至哉坤元萬物資生乃順承天

全章利貞以上言坤之德君子以下言法坤之德萬
物資乾元以氣資坤元以形然坤元全不自為乃順
天施而承以生耳至何如耶。此以地道明坤之義
而首言元也至極也始者氣之始生者形之始順承
天施地之道也

坤厚載物德合元彊含弘光大品物咸亨

以坤亨言之乾德无疆坤有厚德載物而合其无疆
但見萬物生機所含甚弘是以化機始灼所光甚大
品物莫不暢茂條達信乎其載物而合无疆也

牝馬地類行地无疆柔順利貞君子攸行

曰利牝馬之貞何也蓋牝馬乃地之類而行地无疆
則順而健矣惟坤順天生物至柔順也而其柔順直
至各正保合而後已則何利貞也不與馬之順健類
乎君子所行亦如其順而健可耳

先迷失道後順得常西南得朋乃與類行東北喪朋乃
終有慶

君子所行何如居先則迷而失坤之道居後則順而

得坤之道往西南則從其類而得朋往東北則失其類而喪朋然反之西南則終有得朋之慶此君子所宜審也

安貞之吉應地無疆

安而貞地之无疆君子安于為貞不應地之无疆乎。安而且貞地之德也

象曰地勢坤君子以厚德載物

坤勢順厚无所不載君子厚德深仁負荷民物與地同載矣

初六履霜堅冰至

一小人始出用事其端甚微其勢必盛象如履霜則

堅冰將至可畏哉

象曰履霜堅冰陰始凝也馴致其道至堅冰也

初六履霜是小人始出猶陰氣始凝也由此馴致其道則必至凌君子禍國家而至堅冰矣。馴順習也

六二直方大不習无不利

柔順中正得坤道之純者故內為存心无私而直外為處事得宜而方且无念不直无事不方而大然皆自然而然不待學習而自无不利。柔順正固坤之直也賦形有定坤之方也德合无疆坤之大也象曰六二之動直以方也不習无不利地道光也六二之德靜不可見惟動于念則為直動于事則為

方則大可知矣。夫直方大之道，地道也。惟不習，无不利，則思為性，察辭，盖何尤如之。地道指六二言。

六三含章可貞，或從王，事无成，有終。

以陰含陽，內蘊才德，此貞而可守者。然或出而從王，事則始雖不敢，事成而有是章，美必能代終。六陰三陽，內含章美，可貞以守，然居下之上，不終含藏。

象曰：含章可貞，以時發也。或從王，事知光大也。

含章非隱待時而發，不敢為先，且從王而无成，有終由其智識光大，真知分不可越，而職不可不盡也。

六四括囊，无咎无譽。

重陰无才，不中无時，凡事韜藏，不敢輕為，如此則利。

害而无所涉无咎无誉

象曰括囊无咎慎不害也

慎其事而不為則不壞事慎其身而不出則不辱身

六五黃裳元吉

以陰居尊德柔中順故其見諸治者昭皇極以臨民
本濕恭以率物黃裳之象如是則君道盡善而化中
敦順之治成矣元吉

象曰黃裳元吉文在中也

文即中順惟文德積于中故文治見乎外

上六龍戰于野其血玄黃

陰盛之極至與陽爭以勢陽回必敗以理陰豈獨全

象曰龍戰于野其道窮也

陰道極盛故與陽爭

用六利永貞

爻皆用六則陰變而陽為能確守正道始終不移而利。陰柔不能固守變而為陽則能永貞矣

象曰用六永貞以大終也

陽大陰小變陽是以大終故能永貞

文言曰坤至柔而動也剛至靜而德方

釋牝馬之貞也坤當各正保合時退然無成至柔矣而代天有終沛乎莫禦動何剛也窅然无事至靜矣而物各付物賦形有定德何方也此皆順而健所謂

牝馬之貞

後得主而有常

以坤利言乾固以美利：天下矣坤則居後而主于利遂萬物者亘古不易而有常也

含萬物而化光

以坤亨言萬物生意包含于中而化機之達于外者先輝而不可掩

坤道其順乎承天而時行

乃若坤元道其順乎天氣一至即承以生不先時不後時其承天時行者乎何順如之。復明順承天之意。此以上申彖傳之意

積善之家必有餘慶積不善之家必有餘殃臣弑其君
子殺其父非一朝一夕之故其所由来者漸矣由耕之
不早耕也易曰履霜堅冰蓋言順也順作

凡事皆成于漸積善餘慶不善餘殃家有然者以此
究小人之殃至于弑又弑君故豈朝夕亦積漸使然
蓋由君父不能早耕馴習至此易曰履霜堅冰至蓋
言君子當慎于微也。早字蓋待臣子萌不肖之念
而後辨之其辨遠矣惟在自家身上辨其善與否則
慶殃分矣

直其正也方其義也君子教以直內義以方外教義立
而德不孤直方大不習無不利則不疑其所行也

直以言其本辭之正也。方以言其裁判之善也。何修而得此君子。教則本辭常理。和而不容。而內直。義則裁判得宜。截然不亂。而外方。夫教。義。夾。立。則直。方。互。養。不。期。大。而。大。而。德。不。孤。矣。易曰。直。方。大。不。習。元。不。利。蓋言由教。義。以。至。不。孤。則。精。神。渾。化。行。焉。即。直。而。內。不。疑。神。行。焉。即。方。而。外。不。疑。形。何。習。哉。教。之。精。明。條。理。即。義。之。整。齊。廣。南。即。教。故。曰。夾。持。

陰。雖。有。美。含。之。以。後。王。事。弗。敢。成。也。地。道。也。妻。道。也。臣。道。也。地。道。元。成。而。代。有。終。也。

三。雖。章。美。中。含。而。後。王。弗。敢。專。成。何。北。三。乃。陰。柔。其。道。為。地。為。妻。為。臣。地。道。不。敢。專。成。而。代。天。有。終。則。妻。

道可知况臣道乎。非其才之不足乃心安于分而有所弗敢也

天地變化草木蕃天地閉賢人隱易曰括囊无咎无譽
吝言謹也

天地變化則和氣所鍾草木且蕃君子何為不出至
天地閉則賢人隱矣四所以謹而不出也

君子黃中通理

黃中色五何以言黃也蓋君子中德在心則萬理貫
徹而通且脉絡分明而理中之妙也故謂之黃

正位居辭

裳下服五何以言裳也蓋君子雖正位于上而居辭

于体下諶恭下士平易近民順之至也故謂之衷
美在其中而暢于四支發于事業美之至也

然順又本于中也中德之美蘊含于中自是暢于四
支不驕不亢發于事業不恡不刻此皆順所在而實
中所發中之美至矣不可加矣

陰疑于陽必戰為其嫌于元陽也故稱龍與猶未雜其
類也故稱血焉夫玄黃者天地之雜也天主而地黃

陰似于陽所以戰陽周公始陰遂元陽也故稱龍以
存陽而陰終未離陰類也故稱血以別陰至玄黃云
者謂陰陽皆傷而天地之色相雜明陰亦无利于戰
也然雜其变耳要其定分則天主地黃究不相雜也

則陰終不能疑陽戰何為哉

震上下

屯元亨利貞勿用有攸往利建侯

屯難之世必有濟屯之才濟屯之道濟屯之人而後
可為卦震動險中即才足撥亂而元亨然尚在險中
當識時守正而勿輕有所往又四海方屯先主乃亂
必求立人望以收拾人心乃為利也

彖曰屯剛柔始交而難生

始交為震難生為坎則是大地初闢世難方殷以天
下則未定以名分則未明故名屯

動乎險中大亨貞

屯何以大亨貞卦德動乎險中能動何所不亨而動乎險中則猶未可妄動也故利貞

雷雨之動滿盈天造草昧宜建侯而不寧

雷雨交作屯象也君子正其大綱而經以引之于先舉其條目而綸以理之于後此濟屯之道也

象曰雲雷屯君子以經綸

雲雷交作屯象也鬱塞未通其在天下則為大綱未張萬目未舉君子以是先經以引之後綸以理之則更張有漸而屯難可弁矣

初九盤桓利居貞利建侯

初陽有才而在下則无時矣動辭有志而應柔則无

助矣故進而濟屯遯回却顧其象盤桓然居陽得正
故利于居貞而審時幹濟又下陰民歸當自建為侯
以從人望也

象曰雖盤桓志行正也以貴下賤大得民也

所謂利居貞者言初雖盤桓而志則欲行甚正于天
下也所謂利建侯者蓋其陽德之貴而加志窮民大
得民心也

六二屯如遭如乘馬班如匪寇婚媾女子貞不字十年
乃字

陰柔中正有應于上君臣之分也而乘初剋故為所
難不得遇五而遭回不進象尤乘馬班如然初非寇

害乃求親昵共濟屯耳但二守正不許久之數窮理
極則妄求去正應合終必君臣相遇而可許矣不猶
女子貞不字十年乃字乎

象曰六二之難乘剝也十年乃字反常也

二之屯遯以乘剝初剝而為所難也君臣相應乃理之
常十年乃字則復其常耳

六三即鹿無虞惟入于林中君子幾不如舍往吝

陰柔无才居下无位不中正无德无正應无援而欲
妄行濟屯取困必矣為逐鹿无虞陷入于林中之象
由不見幾故至此君子當逐鹿之先便見取困之幾
不如舍去君往逐不舍必致羞吝。惟字最為悚惕

言但有入林中耳他無所之也

象曰即鹿无虞以往禽也君子舍之往吝窮也

即鹿无虞者以其貪逐功名猶逐鹿者志在往禽也
君子舍之者以往則必吝自致困窮也

六四乘馬班如求婚媾往吉无不利

四大臣也陰柔居屯不能上進濟屯乘馬班如之象
然初九守正居下以應于已乃我婚媾也求之以往
則得賢共濟而屯可享矣无不利

象曰求而往明也

求賢而往既知不足在已又知有餘在人何明如之
九五屯其膏小貞吉大貞凶

陽剛中正以居尊位宜有可為然當屯時陷于險中則元特元勢矣六二才弱初九得民則元助元民矣故有膏潤不得施以處偏安小事則正可獲吉以處濟屯大事則雖正亦凶

象曰屯其膏施未光也

澤壅不流所施未光被也

上六乘馬班如泣血漣如

陰柔元應處屯之終進無所之爻拱而已

象曰泣血漣如何可長也

喪元日矣豈能長久乎

坎下
艮上

蒙亨匪我求童蒙童蒙求我初筮告再三瀆瀆則不告
利貞

山下有陰蒙之地內陰外止蒙之意在人則幼稚蒙
昧故名蒙九二剄中能黜蒙者而五應之蒙過此愚
可明柔可強也亨然蒙之得亨由明之善教也必非
我求蒙而蒙求我是為不枉教又必初筮之誠則告
再三之瀆則不告是為不輕教而其告者又皆啟以
良知良能不流異端曲學是為善教而蒙亨矣

象曰蒙山下有陰止蒙

質既滯而心又暗中既老而外又窒故名蒙

蒙亨以亨行時中也匪我求童蒙童蒙求我志應也初

筮告以剝中也再三瀆、則不告瀆蒙也蒙以養正聖
功也

蒙何以亨九二有可亨之道行之疾蒙而又得時之
中先後疾徐各隨其候也匪我云、者二不求五五
求二其志自應而受教也初筮告者以二剝中剝故
能告中故有即也再三云、者問者不誠固為瀆我
而我告之則亦瀆蒙矣利貞者聖人一正養蒙以正
乃作聖之功此皆亨行時中也蒙亨以此。剝即可
亨之道中即時中

象曰山下出泉蒙君子以果行育德

山下出泉澗而未通蒙也君子外果其行而見義必為

內育其德而勿助其長蒙斯亨矣

初六發蒙利用刑人用說桎梏以往吝

以陰居下蒙甚也發之之道當威戾痛懲而又暫假以觀其後君遂往不含有愧時中吝

象曰利用刑人以正法也

懲戒所以正其教法

九二包蒙吉納婦吉子克家

陽剛為內卦主乃掌邦教者剛而不逆合賢否而造就之則賢愚齊益吉又以陽受陰雖昏昧如婦而亦納之則曲成不遺吉凡此皆君事也臣而任君之事不猶子之克治家事乎

象曰子克家剛柔接也

二剛而五柔應之接遇隆故亦猷辰。重在柔接剛上

六三勿用取女見金夫不有躬无攸利

陰柔暗昧多不中正陷溺久占當拒之不可教也蓋其徇欲忘理猶女子見利失身取而發之祇傷其教何利乎

象曰勿用取女行不順也

素行不慎雖聖人亦无如之何也

六四困蒙吝

遠于陽是無賢師无正應是无良友終困于蒙何吝

如之

象曰困蒙之吝獨遠實也

上之實六五近之二之實初三近之四獨遠陽所以困蒙

六五童蒙吉

柔中應二則是純一未墜多欲未萌而唯虛心以聽師保象為童蒙如是則君德進治道隆吉矣
象曰童蒙之吉順以巽也

順以巽二所謂安意受教者故為童蒙
上九擊蒙不利為寇利禦寇

以剛居上治蒙道剛擊蒙之象然亦顧用之何如耳

如取必太過攻治太深則必及為蒙害何利惟得其
外誘以全其真純則蒙之寇自戕禦矣何不利

象曰利用禦寇上下順也

上之能禦寇上之順也蒙因自禦其寇下之順也上
下皆順故利。上順施非益其本無下順受第還其
所本有

坎乾
上下

需有孚先亨貞吉利涉大川

以乾遇坎有待而不遽進故名需在人君治道已盡
治效未臻所當需也然必內為需待至誠而元欲速
期望之心則昭明洞達而先亨外為需待至正而元

行險僥倖之事則治定功成而吉轉危為安利涉大川

象曰需須也險在前也剛健而不陷其義不困窮矣

需者須也坎險在前變故當需。剛健臨之有待而不陷以義揆之宜不因窮故名需。惟能需故不陷惟不陷故不至困窮

需有孚先亨貞吉位乎天位以正中也利涉大川往有功也

有孚先亨貞吉者九五位天位而德正中正則先計功之圖純王之政也中則先求治之念純王之心也所為有孚先亨貞吉也以此臨險必能沉毅有守往

以濟之必有功矣

象曰雲上于天需君子以飲食宴樂

雲上于天无所復為需之象也君子政教已盡不容更為但優游安靜以俟德化之成如飲食宴樂可也
初九需于郊利用恒无咎

未近于險脫然遠引需于郊也而陽剋能恒為久于所則全節全名何咎

象曰需于郊不犯難行也利用恒无咎未失常也

超然世外不犯險難而行恒于其所未失需之常道
九二需于沙小有言終吉

漸進近坎則是世難方殷以身近之求全之毀所不

免矣需沙有言之象幸其到而能守中而善處則終不陷險而吉

象曰需于沙衍在中也雖小有言以告終也

二雖需沙然剛德寬裕又中德善處故雖小有言語卒能濟險而以告終也。一說衍兼剛中二意中字以心言作寬裕在心亦可。衍即是到

九三需于泥致寇至

去險愈近需泥之象而過到不中則性躁妄行而寇徇之來自我致耳。水涯之泥善陷

象曰需于泥災在外也自我致寇敬慎不敗也

需于泥言災已在前也自我致寇由不敬慎敬慎則

不敗矣

六四需于血出其穴

四爻坎辭入乎險矣大臣身當國難為需于血柔得其正需而不進卒能保身濟君為出自穴

象曰需于血順以聽也

雖需于血然能柔以聽乎時故終得出

九五需于酒食貞吉

陽剋中正需于尊位優游玩事以俟化成此君道之貞也則先為自化吉矣

象曰酒食中貞吉以中正也

與彖正中同

上六入于穴有不速之客三人來敬之終吉

險居險極陷而入險下應三陽需極並進彖傑憤亂

不召而來敬以待之仗人圖功終能出險

象曰不速之客來敬之終吉雖不當位未大失也

因人出險則雖處位不當終能有濟未為大失

坎上下

訟有孚窒惕中吉終凶利見大人不利涉大川

訟非美事必有孚見窒然後可而訟何如哉必惕然

知止則吉如終訟不已則凶見大人以質是非則利

如駕虛辭以求勝則不利

象曰訟上剛下險險而健訟

以上下言上剗制下下險伺上以一人言內險外健
以兩人言已險彼健皆訟道也故名訟

訟有孚窒惕中吉剛來而得中也終凶訟不可成也利
見大人尚中止也不利涉大川入于淵也

惕中吉者九二剗中則理勢自裁可止則止也終凶
者損德構怨訟不可成也利見者五尚中正則听不
偏斷合理也不利涉者冒險求勝終入于罪也

象曰天與水違行訟君子以作事謀始

天上水下其行相違君子作事而謀其始惟恐拂人
情而啟釁端則訟絕矣

初六不永所事小有言終吉

陰柔才弱居下勢卑故可止則止不能終訟則始雖
受誣而小有言辨終必獲伸而吉

象曰不永所事訟不可長也雖小有言其辨明也

初固不能永所事矣然以理揆之訟本不可長也惟
不長故雖小有言語而終能辨明也。一氣說下

九二不克訟歸而逋其邑人三百戶无眚

陽剛陰主本欲訟者然居柔得中既屈于理上應九
五又屈于勢故不克而退處卑約以免灾患。邑之
三百戶邑之小者。如虞芮質成之類

象曰不克訟歸逋竄也自下訟上患至掇也

不克訟而歸逋竄者何也自下訟上其勢不敵患之

至也乃自取耳。擬自取也。

六三食舊德貞厲終吉或從王事无成

陰柔非能訟者故守常分安正理則雖受侮而厲終不懼禍而吉然如此人或出而從上之事亦必無成功也

象曰食舊德從上吉也

言食舊德之人凡事隨人則吉自主事则无成功也

九四不克訟復即命渝安貞吉

剛而不中故有訟象以其居柔故為弗克而外及爭行復就正理內變爭心安處正道則不府怨不敗德吉也

象曰復即命渝安貞不失也

復即命則外不失宜渝安貞則內不失理

九五訟元吉

陽剛中正以居尊位聽訟而得其平者也訟者遇之訟而有理必獲伸矣元吉

象曰訟元吉以中正也

中則听不偏正則斷合理訟者所以元吉

上九或錫之鞶帶終朝三褫之

剛居訟極徙訟者也虛辭或可取勝為錫命受服之象曲直久當自明為終朝三褫之象。鞶帶命服之飾褫奪也終訟无理而或取勝然其所得之終必失

之聖人為戒之意深矣

象曰以訟受服亦不足敬也

勝且不足貴况未必勝乎

坎下
坤上

師貞丈人吉无咎

師貴有名无貴擇將故必為奉天伐暴之舉而又得老成鍊達之將則有戰勝之吉無窮黷之咎

彖曰師衆也貞正也能以衆正可以王矣

師者衆之義也貞者正之義也是為將者能統衆歸正所謂節制之師仁義之兵則命將者天與人歸可以王矣。卦以有名為正屬君此以有制為正屬將

剽中而應行險而順以此毒天下而民從之吉又何咎
矣

剽中而應是恩威之將而君且事權委之矣行險而
順是兵凶戰危而却有節制順人心也以此才德之
丈人行師則雖若民協財毒害天下然特雨之師民
悅從之宜其戰勝又何窮黷乎

象曰地中有水師君子以容民畜衆

地中有水猶民中有兵也君子容保其民制之田里
教之樹畜而凡有勇知方之衆已畜于此此兵民所
由合一也

初六師出以律否臧凶

出師之道當謹其始以律則吉否戒則凶。律如賞
罰嚴明辨令整齊是也

象曰師出以律失律凶也

失律則為否戒安得不凶

九二在師中吉无咎王三錫命

二為衆陰所歸大將也而有剴中之德以是在師中
則恩威並著有成功無敗績矣又應五寵任則委任
極專而寵命頻錫所以成功也

象曰在師中吉承天寵也王三錫命懷萬邦也

承天寵者見大將所以能立功于闡外懷萬邦者見
大君所以必隆礼乎斯臣

六三師或與尸凶

以陰居陽才弱志剛而不中不正犯非其分師徒撓敗與尸而歸凶之甚也

象曰師或與尸大无功也

殘民命損國威

六四師左次无咎

陰柔不中无制勝之才而居陰得正有料敵之智故避舍堅壁全師以退何咎

象曰左次无咎未失常也

知難而退師之常也

六五田有禽利執言无咎長子帥師弟子與尸貞凶

柔順而中不為兵端者也敵加于己蚩夷寇賊援我
生靈不得已而以兵應之如田之有禽利以搏執而
何窮兵之咎也然必專于委任若使九二長子帥師
而三四弟子參之則是使之與尸而歸雖正亦凶。
言語詳也

象曰長子帥師以中行也弟子與尸使不當也

以中行師威有制勇有謀故可使若與尸非弟子罪
由上使不當耳

上六大君有命開國承家小人勿用

師之終武功成矣順之極天下定矣大君有賞功之
命功大開國而為諸侯功小承家而為卿大夫然惟

君子有此小人則雖有功亦不可使有國家但優以
金帛可也

象曰大君有命以正功也小人勿用必亂邦也

大君有命以正功之大小而責之也小人勿用恐其
挾坤必亂邦也

上下

比吉原筮元永貞元咎不寧方來後夫凶

九五陽剛中正上下從之以一人撫萬邦以四海仰
一人故名比；則人心歸主勢主吉矣然民之比我
比以德也故必再筮以自審果有元善之德且不斷
續而求不姑息而貞然後可以畜衆之歸而元咎其

未比而有不妄者皆將來歸若又遜而後至則自外生成而取凶耳于王何損耶

彖曰比吉也

衍三字

比輔也下順從也

比之為言輔也臣民皆順從于君也

原筮元永貞无咎以剛中也
不寧方來上下應也後夫
凶其道窮也

元永貞者九五剛中則是天德之剛粹然于中而存此不忠則為元運此不息則為永守此不雜則為貞純德本于純心也不寧方來者上下應五而臣民昏服也後夫凶者自棄德化而其道困窮也

象曰：地上有水，比。先王以建萬國，親諸侯。

水比于地，不容有間。先王分封公侯伯子男而設朝，覲聘尚以親之，使其承宣德意，各親其民，是親諸侯，乃所以比天下也。

初六有孚，比之，无咎。有孚盈缶，終來有他吉。

比君之初，猶白有信，則无欺罔之咎矣。君更守此及終，盈滿充實，則君寵之未出自意外，有他吉也。

象曰：比之初六，有他吉也。

孚在初，則終可知其他吉也。不于其終也，就其初已卜之矣。

六二：比之自內，貞吉。

柔中應五其比君也一本內之所有者以比之則道
不枉而功可立貞吉

象曰比之自內不自失也

拘人者必失已比之自內則一本素養而為比何自
失之有

六三比之匪人

陰柔不中正无以擇人承乘應皆陰又多損友所以
比匪

象曰比之匪人不亦傷乎

人將累我所傷可知

六四外比之貞吉

以柔居柔外比九五足委身致主而更充內顧之念者所謂外比也則得事君之止而成贊化之吉矣象曰外比于賢以從上也

豈徒賢其賢亦以貴其貴

九五顯比王用三驅失前禽邑人不誡吉

陽剴中正群陰皆比是王者之比天下也不以私恩小補而以蕩平之顯其比而无私者也但見上忘其感而得失勿問下忘其應而恩怨不知如天子不合圍開一面之網表不拒去不追而邑人亦喻上意不相警備以求必得也顯比至此真上下同流矣吉象曰顯比之吉位正当中也含逆取順失前禽也邑人不

該上使中也

類比吉者由王心大中至正也失前禽者由王心舍
逆取順也邑人不誡者由上之德使不偏也蓋惟王
心蕩々故王民皞々也

上六比之无首凶

陰柔居上无以比下不足為君矣故為无首而凶
象曰比之无首无所終也

无首則無終矣

巽下

小畜亨密雲不雨自我西郊

以巽陰畜乾陽以一陰畜五陽又以陰畜陽係而不

困故為小畜。夫君子見畜，宜不涉亨，所以亨者，內健外巽，猶有可為之才。二五居中，用事志其得行，猶有可為之勢。故亨然，亦由小人畜未極，施未行，如雲起而方而不雨，此其所以亨也。

彖曰：小畜，柔得位而上下應之，曰小畜。

柔得位，指六五居四，上下謂五陽一小人。用事，眾君子受制，故名小畜。

健而巽，剛中而志行，乃亨。

存心果決，處事沉潛，才可為也。正人君子，居中用事，權未盡，移動，如意勢可為也。畜而得亨，乃以是耳。密雲不雨，尚往也。自我西郊，施未行也。

密雲不雨者以高未極而吾道猶得上往也惟上往
故陰雖用事如云起西郊而施終未行也此又陽所
以得亨

象曰風行天上小畜君子以懿文德

細行不矜大德之累故于威儀則潤色之于文詞則
修飾之以懿美其一身之文德可也

初九復自道何其咎吉

辭乾得正雖與四應不為四所畜故其進復在位也
不以借資攀援而以道德為復者也則身不杜而道
得行何其咎吉

象曰復自道其義吉也

以義揆之自當得吉

九二牽復吉

漸進于陰宜為所逸以其剛中故能與初九同類之君子牽連而復而不失身于小人亦吉道也

象曰牽復在中六不自失也

以有中德故能牽復初固不自失二六不自失也

九三與說輻夫妻反目

剛而不中迫近于陰為所繫畜不能自進有與說輻之象又以志剛不平與爭為夫妻反目之象

象曰夫妻反目不能正室也

說輻反目三自為也

六四有孚血出惕出无咎

以一陰畜衆陽本有傷害憂懼以其柔正虛中二陽助之是其孚誠感人而協力者衆由是傷害可去憂惕可出而无負大臣止菴之責天何咎。此文作柔順君子以下三文作強菴音

象曰有孚惕出上合志也

四惟有孚與上合志故菴可止而惕可止

九五有孚挛如富以其鄰

居中處尊則孚誠所結足以感衆志富厚所藉又足以屈群力以此止菴易：矣

象曰有孚挛如不獨富也

誠意固結不獨持其富也

上九既雨既處尚德載婦貞厲月幾望君子征凶

畜極而成陰陽相和不雨者既雨矣尚往者既處矣
益曰尊尚陰德至于積滿而然也在小人失其常分
如婦制夫雖正六厲在君子常陰盛抗陽如月幾望
則六不可有行而凶矣

象曰既雨既處德積載也君子征凶有所疑也

既雨既處由尊尚陰德漸積至滿也君子征凶是有
疑礙而不行也

乾下

獲虎尾不咥人亨

以兌遇乾以柔臣復剝主也故名復幸其兌說應乾則恭順是以潛移不惟免禍亦且志行

象曰復柔復剝也

以柔臣遇剝主非所復而復者也故名復

說而應乎乾是以復虎尾不咥人亨

兌說應乾則和不激順不排可以審主威而行柔順是以復虎尾不咥人亨

剝中正履帝位而不疾光明也

試觀所應何名非剝中正履帝位者耶乾德剝健而且不偏而中无邪而正以此履帝位则无疾于心而沾道光明矣如此居而以悅應之所以老而不傷也

象曰上天下澤履君子以辨上下定民志

上天下澤定分不易凡民志所以不定者由上下之分未明也君子制禮以辨之尊卑隆殺截然不紊使民允涯之志束于難渝之分是辨上下正以定民志也

初九素履往无咎

以陽在下其操能守居履之初其志方銳未為物遷率其素履而往所謂達不離道者也何咎

象曰素履之往獨行願也

士有素志是願也今素履之往是不志富貴功名而獨行其願者也

九二履道坦坦幽人貞吉

剝中無應居易自得履道坦坦之象此幽人也不降不辱而貞康頑立懦而吉矣。履道以行言坦坦以心言

象曰幽人貞吉中不自亂也

由有中德故不以富貴功名亂其心

六三眇能跛能履履虎尾咥人凶武人為于大君

不中不正柔而志剝无明而自為明无才而自為才

以此事君必見傷害以此治人必致肆暴

象曰眇能視不足以有明也跛能履不足以與行也咥人之凶位不當也武人為于大君志剝也

自謂明實不足以有明自謂履實不足以有行不當則无和悅之德志剛則无惻隱之心

九四履虎尾愬、終吉

不中不正履五之剛是大臣位高勢重動有危機履虎尾也幸以剛居柔故能愬、戒惧以事其上則疑忌潜消而得終吉

象曰愬、終吉志行也

危疑之際杜而得君之志行

九五夬履貞厲

剛中正才可為履帝位勢可為而下以兌悅應之又將順其所為故凡事必行无所疑礙象為夬決其履

則雖乾剛獨斷而貞不免激天下之變而厲矣

象曰夫履貞厲位正当也

傷于所恃正則恃其才當則恃其勢所以夫履而厲

上九視履考祥其旋元吉

視履之終以考其祥若所履者周旋无虧則百祥俱集而得元吉矣

象曰元吉在上大有慶也

人情鮮終若得元吉于所履之終則大有福慶也

乾上坤下

泰小往大來吉亨

為卦天地交通是貞元會合時也故名泰世道清明

則小人退聽而君子滿朝將志无不遂而道无不行
吉亨

象曰小往大來吉亨則是天地交而萬物通也上下交
而其志同也內陽而外陰內健而外順內君子而外小
人君子道長小人道消也

泰何如耶是天地以氣交而萬物化生之氣通也泰
在造化也君臣以心交而興道致治之志同也泰在
人事也而維時君心所存則內陽而外陰矣君道所
尚則內健而外順矣君身所用則內君子而道寔長
外小人而道寔消也泰之景象如此

象曰天地交泰后以財成天地之道輔相天地之宜以

左右民

化之自然曰道。道之當然曰宜。裁成以制其道。如陽過則亢，陰過則戰，剝過則燥，柔過則濕。皆一、一為之。節制輔相以補其不及。如陽時宜作陰，陰時宜歲。則剝土宜泰，柔土宜稻。皆一、一為之。泰酌若此者，正以左右斯民，使遂生而復性也。亢后開泰如此。

初九拔茅茹以其彙。征吉。

初與二陽相連而進。是一君子倡，眾君子和。拔茅連茹之象。往以濟泰而左右功成。吉矣。

象曰：拔茅征吉，志在外也。

拔茅征吉者，以初與二陽皆志在天下也。○仍以初

為主

九二包荒用馮河不遐遺用亡得尚于中行

以剛居柔在下之中上之六五之應主乎泰而得中道者也。占能包容荒穢而果斷到決不遺遐遠而不昵明比則合乎中行之道矣。包荒者待人恕處事寬馮河者罪必誅弊必革不遐遺者事周其隱才舉其逸用亡者法行自近恩到至親。

象曰包荒得尚于中行以光大也

心光明故能察此中心正大故能体此中相業本于相心也。包荒兼四事在內

九三无平不陂无往不復艱貞无咎勿恤其孚于食有

福

將過乎中論世道无平不陂論小人无往不復此天
運之孚而可恤者必也艱其思慮正其施為則人事
既盡可以无咎不必憂陂復之孚而自亨泰寧之福
矣

象曰无往不復天地際也

所以无往不復者三四之交乃天地氣化泰復為否
之際也

六四翩：不富以其鄰不戒以孚

泰已極矣故三陰翩然來復為四者不待招以勢厚
而類自從不待約以戒令而心自孚君子可不早為

之吁

象曰嗣：不甯皆失實也不戒以孚中心頤也

陰本居下嗣：居上是為失實小人傷善乃其心頤何待戒令

六五帝乙歸妹以祉元吉

以陰居尊為泰之主柔中虛已下應九二是人君折節下賢如帝乙之女下歸也則泰可保而有祉元吉矣

象曰以祉元吉以行頤也

五有中德以行下賢之頤諒邪不能間貨色不能移故以祉而元吉

上六城復于隍勿用師自邑告命貞吝

泰極而否城復于隍之象時勢至至此不可力爭但可自守修其政令以維持之耳然不能致治未亂雖貞六吝

象曰城復于隍其命亂也

由其政令之亂不特天運然也

坤下
乾上

否之匪人不利君子貞大往小來

二氣閉塞故名否。則三綱淪九法斁非人道之常矣其何利于君子之心道耶蓋由君子在野小人在朝所以不利

象曰否之匪人不利君子貞大往小來則是天地不交而萬物不通也上下不交而天下无邦也由陰而外陽內柔而外剛內小人而外君子小人道長君子道消也象曰天地不交否君子以儉德辟難不可榮以祿收斂其德不形于外以避小人之難使名譽不彰微求不至人不得以祿位榮之

初六拔茅茹以其彙貞吉亨

三陰在下連類而進而初之惡則未形也使其變為君子而貞則上不禍國下足庇身吉而亨矣

象曰拔茅貞吉志在君也

小人不知有君何知君子既變為君子則愛其君必

愛其君之善類又何害于君子

六二包承小人吉大人否亨

陰柔中正小人猶知畏名義者故包容承順乎君子
而不敢中傷小人如是則陰受其賜而吉大人則當
安守其否不為所浼而後道亨不可以彼包承而自
失也

象曰大人否亨不亂群也

不以包承之故而亂于小人之群所以道亨

六三包羞

傷善小人所為六小人所羞三以陰居陽而不中正
志欲傷善而才不能濟徒自包羞羞惡之心而已

象曰包羞位不當也

言短于才

九四有命无咎畴離祉

否過將濟又以陽居陰不極其到以天時則有命以人事則无咎而時類三陽皆得震四以獲泰寧之福也

象曰有命无咎志行也

有命而无咎則濟否之志行

九五休否大人吉其亡其亡繫于苞桑

陽剋中心以居尊位能休時之否而開之泰大人之事也吉然又當戒惧若乱亡將至則泰治固于苞桑

而不拔矣

象曰大人之吉位正当也

正則有德當則有权所以休否而言

上九傾否先否後喜

以陽剛居否極能傾時之否者未傾是先否也既傾則後喜矣

象曰否終則傾何可長也

否至于終其勢必傾豈長否乎。爻魚天人象專言天

離上下

同人于野亨利涉大川利君子貞

火與天性同二與五德同五陽與一陰情同故為同人同人必大公无我親疎遠近皆在所同則何往不通何險不濟而亨且利涉然又必所同皆君子之正道不同俗同理不同跡同心乃為于野而亨且利也象曰同人柔得位得中而應乎乾曰同人

柔謂六二乾謂九五得位正也得中中也二以柔中正之德應剴中正之君一德相孚所謂君臣同于朝也故名同人

同人于野亨利涉大川乾行也文明以健中正而應君子正也唯君子為能通天下之志

以健而行剴能勝私明能辨正健能行正中正我非

私交而應人非私援凡此皆君子之正也唯君子之
正為能通天下之志蓋人同心心同正得其正而天
下之志皆我所通而元問矣故利

象曰天與火同人君子以類族辨物

天在上火炎上其性同也類族以正名分尊卑貴賤
各得其方辨物以別名器度數等威各昭其則所以
審異而致同也

初九同人于門无咎

同人之初未有私主以剛在下已无私心上无繫應
人無私與是共同人出于私昵而游于大公者也又
何偏党之咎耶

象曰出門同人又誰咎也

又誰得以私咎之

六二同人于宗吝

二雖中正然有應于上不能大同而繫于私党同人于宗之象也所感者私則所應者狹吝矣

象曰同人于宗吝道也

私而狹吝道也

九三伏戎于莽升其高陵三歲不興

剛而不中上無正應欲同于二而惧五見攻故內懷不測外圖窺伺象猶伏莽以敵五升陵以望二也然理勢俱屈計將安出徒三歲不興耳

象曰伏戎于莽敵剛也三歲不興安行也

敵剛者敵五之剛安行者理勢不行

九四乘其墉弗克攻吉

剛不中正又无應與六欲同二而為三隔故恣其憑
陵而隔三攻二為乘墉以攻之象幸以剛居柔有自
反于理而弗克攻之象則能改過而得吉也

象曰乘其墉義弗克也其吉則用而反則也

乘其墉矣非力之不足也義之弗克而不攻耳所以

吉者因衡于義之不可而因反于義之法則故吉也

九五同人先號咷而後笑大師克相遇

二五中正相應君臣同心者也而為三四小人譖隔

不得其同然義理所同物不得間故始睽終洽為先
號後笑之象然六二柔弱易退之君子三四剛強難
去之小人故必到斷獨行制伏諫邪如用大師以勝
之然後明良得相遇也

象曰同人之先以中直也大師相遇言相克也

先號後笑者以中正相應其理本直而物不能間也
大師相遇者言以剛斷克之去邪勿疑然後任賢勿
二也

上九同人于郊无悔

居外无應物莫與同孤立而无與者也雖无大同之
公亦无妄同之悔

象曰同人于郊志未得也

同人之志在通天下孑然孤立志豈得乎

乾上
離下

大有元亨

火在天上无所不照一人照臨萬國也一陰居尊上
下應之萬國全歸一人也故名大有乾健離明德本
諸身矣居尊應天德徵諸民矣是以禮樂刑政盡善
盡美而推必準動必化大善而吉也

象曰大有柔得尊位大中而上下應之曰大有

六五柔居尊位有勢矣且大中有德矣由是上下應
之臣民胥歸命也故曰大有

其德剛健而文明應乎天而時行是以元亨

其德則本諸身者健而不靡明而不蔽而運諸治者應天之健而時行乎健應天之明而時行乎明德之內外皆純也是以元亨

象曰火在天上大有君子以遏惡揚善順天休命

火在天上所照者廣大有之象所有既大元以治之則蕃蔭萌于其間矣天命有善而元惡何其休美故遏惡揚善所以順天之休命

初九无交害匪咎艱则无咎

雖當有時然以陽則能守居下則能約无應则无交在初則未滿未涉乎驕奢之害者也何咎之有然必

艱以處之時，致戒而不使驕盈，則匪咎者終无咎矣。交涉也。

象曰大有初九无交害也。

初時時非履滿而溢，志未萌故无交害。重初字。

九二大車以載，有攸往无咎。剗中在下抱負，既宏得應于上，責任又隆，脩才德而肩鴻鉅，為大車以載之象。如是而往，则无敗事之咎。象曰大車以載，積中不败也。

其大才德自能勝大責任，如車之積中而不敗也。

九三公用亨于天子，小人弗克。居下之上公侯之象，剗而得正，上有六五虛中下賢。

感知遇而盡獻納嘉謀嘉猷入告爾后猶公之用享而方物畢獻也然惟君子能之若小人則无可獻矣故弗克。享謂朝獻也

象曰公用享于天子小人害也

以逢迎阿諛之心進豐享豫大之說不惟无益反有害也

九四匪其彭无咎

彭盛貌六五柔中之君九四以剛近之有僭偏之媿所謂彭也然以處柔故常思敬慎有不極其盛之象則忠貞著而疑忌消何咎

象曰匪其彭无咎明辨哲也

哲明貌明辨君臣之道盛衰之幾至于哲然後能不
極其盛

六五厥孚交如威如吉

柔中虛已以應九二之賢是君與賢孚足以感動臣
民使皆孚已是其孚信之交回而不解也然君道貴
剛太柔則廢當以威濟之則有所懷又有所畏吉○
厥孚兼六五九二及上下臣民言卑承威講

象曰厥孚交如信以發志也

一人信以任賢是以感發上下之志使皆孚已也
威如之吉易而无備也

太柔則人將易之而无畏備之心故當濟孚以威

上九自天祐之吉无不利

大有之世以剝居上宜滿而溢夫而下從六五是能履信思順而尚賢人主宜持盈者也則天必佑之以吉而使其福祉駢臻佑之无不利而使其推準動化矣滿而不溢故如此

象曰大有上吉自天祐也

有上而獲吉者由其滿而不溢上合天心故自天祐之也

艮上下

謙亨君子有終

內止外順謙意也山居于地謙象也故名謙、則行

无不得且始雖不居其有終不沒其有故亨通而有終有終謂先屈而後伸也

象曰謙亨天道下濟而光明地道卑而上行

言謙必亨試觀天道其氣下交謙也而化工先顯則亨矣地道其氣卑順謙也而上騰生物則亨矣况人乎。天地供就氣机上看不以形骸言故曰道

天道虧盈而益謙地道變盈而流謙鬼神害盈而福謙人道惡盈而好謙。尊而先卑而不可踰君子之終也天道如日月寒暑未有不虧盈益謙者地道如山川陵谷未有不變盈流謙者鬼神如降祥除殃未有不害盈福謙者至人道則是非子奪有不惡盈好謙者

乎但見謙以居尊則德不可掩謙以居卑則德不可尚君子有終如此

象曰地中有山謙君子以裒多益寡稱物平施

以卑蘊高謙之象也人情上人心恒多下人心恒少君子裒其多益其寡正以稱人已之宜而平其施也

初六謙：君子用涉大川吉

以柔處下謙而又謙君子冀之小心之行也以此涉險協力者多何往不濟吉

象曰謙：君子卑以自牧也

以卑養心則客氣消而圭角化故能謙之。謙之以行言自牧以心言

六二鳴謙貞吉

柔順能謙之資中正行謙之道德盛譽集以謙有聞
如此則聲非過情而行无不得貞而且吉。貞以理
言吉以效言

象曰鳴謙貞吉中心得也

謙乃中心自得之謙非外製者所以見稱于人
尤三勞謙君子有終吉

剛而得正上下所歸是功在民社而不矜不伐芳謙
之君子也則功莫與爭而位可長保故有終吉

象曰芳謙君子萬民服也

既服其豐功又服其雅量

六四无不利撝謙

柔而得正上而能下大臣能諫者也上不疑下不忌无不利矣然居九三功臣之上不惟諫之于心更當發揮其諫于礼貌之間以示不敢自安之意也

象曰无不利撝謙不違則也

推賢讓功理當如此豈得為道

六五不富以其鄰利用侵伐无不利

以柔居尊在上能謙而臣民昏服者也故為不富以其鄰之象蓋從者衆矣其有未服則利以所服者征之而于他事建功立業亦无不利

象曰利用侵伐征不服也

謙德之至原非黷武聊以征不服耳

上六鳴謙利用行師征邑國

謙極有聞人心樂與即以行師亦无不利然以其質柔而又无君位故僅可征已之邑國而已

象曰鳴謙志未得也可用行師征邑國也

上雖鳴謙而陰柔无位才力不足故人未盡服其志未得而至于行師亦遠是以治其私邑而已。一氣說下下二句正是志未得

坤上下

豫利建侯行師

豫和樂也人心和樂以應其上也九四一陽上下應

之豫之意以坤遇震為順以動豫之內故名豫。則
得天下心行天下事以建侯而萬姓歸心以行師而
三軍用命利矣

象曰豫則應而志行順以動豫

人心不和非豫舉動不順亦非豫九四則應是大臣
在上朝野悅服而其志大行豫之意也坤順震動是
大臣處事順理以動而允協人心豫之由也故名豫
。則字輕應字重志行帶言順動又則應志行之本
全重此句

豫順以動故天地如之而況建侯行師乎

主豫者順理以動則二氣五行順軌情道是天地且

如之也况建侯行師有不協應者乎

天地以順動故日月不過而四時不忒聖人以順動則刑罰清而民服豫之時義大矣哉

以豫道極言之天地二氣五行順理而布故日月不過其度而四時不愆其期聖人政化張弛順理而運則刑罰不煩而民自心服夫順動豫之時義也而天地以之成化聖人以之成治不其大歟

象曰雷出地奮豫先王以作樂崇德殷荐之上帝以配祖考

雷出地奮和之至也先王制樂既象其声又取其義于以闡發內之心德外之功德及其用樂之盛則冬

至祀帝于圜丘而配以祖同荐此樂也季秋祀帝于明堂而配以考亦荐此樂也用樂之大如此。作乃制樂非奏樂也殷盛也

初六鳴豫凶

陰柔小人有強援得時主事故附叔滿志不勝其豫而以自鳴凶之道也

象曰初六鳴豫志窮凶也

志意窮滿所以取凶

六二介于石不終日貞吉

上下皆溺于豫獨能中正自守其德安靜无欲而堅確弗移介如石之不轉也靜生明安能慮故不俟終

日而見凡事興亡成敗之幾微也則得操守之貞而有保身之吉矣

象曰不終日貞吉以中正也

即不終日本于介石之意中正即介石也

六三盱豫悔遲有悔

陰不中正而視四游豫依权自恣宜其悔悟者也故能速悔改圖若悔悟之遲則必有悔吝也

象曰盱豫有悔位不當也

無德以守故盱豫而悔

九四由豫大有得勿疑用盍簪

九四君民所由以豫者也其志為大有得然豫可一

人致不可一人保又當任賢勿疑則用類傾心合而
從之甚速矣

象曰由豫大有得志大行也

悅安天下大臣之志今由豫大有得則大遂其志矣
六五貞疾恒不死

沉溺于豫又乘四剋衆不附而處勢危故為貞疾之
象然以得中遺澤未泯位號猶存又為恒不死之象

象曰六五貞疾乘剋也恒不死中未亡也

乘剋謂困于強臣得中故將亡未亡

上六冥豫成有渝无咎

陰柔則銅深豫極則欲縱昏冥于豫之象以其動体

覺性猶存故為冥豫雖成而能有渝變之象如是則能補過而允咎

象曰冥豫在上何可長也

冥豫在上豈可長久速渝焉可也

震上下

隨元亨利貞无咎

剛來下柔臣之隨此動彼說之隨故為隨君為臣民所隨則治化洋溢大亨然必所以致隨者類比无私驩虞不事而貞乃稱純王之道而无咎耳

象曰隨剛來而下柔動而悅隨

剛來下柔是剛毅之臣而下微柔之主也此動彼悅

是君方鼓動而民昏悅服也故名隨

大亨貞无咎而天下隨時

隨因大亨矣然必貞乃无咎也惟貞則一心所感而天下隨之也

隨時之義大矣哉

貞者隨之時義一貞而天下隨所以為大

象曰澤中有雷隨君子以嚮晦入宴息

雷藏澤中隨時休息君子以造化非入何以養出人心非靜何以嚮晦入而宴息寧初于定養氣于恬葆其時止之体以為時行之用斯其体隨者乎

初九官有渝貞吉出門交有功

初謂隨主所謂官也人心无所隨則无所主既有所隨則有所偏主而變其無之常矣故曰有渝然渝亦何傷領所隨何如耳惟從其正不從其邪則仁賢輔而吉且主乎廣不主乎隘則鹿澤弘而有功矣

象曰官有渝從正吉也出門交有功不失也

雖官有渝矣然所從者正則吉也出門交有功則不失乎隨人之道也

六二係小子失丈夫

初陽在下而反從之是係小子五陽在上而反舍之是失丈夫陰柔不能自守以須正應故如此

象曰係小子非兼與也

係小子則必失丈夫安得兼與此原失丈夫之由

六三係丈夫失小子隨有求得利居貞

三近係四而失于初為係丈夫失小子四陽畜位而已隨之富貴功名有求必得然非正應恐有邪媚之媿故戒以居貞重道義矜名節不可以必得而妄求也

象曰係丈夫志舍下也

三既係四其志自舍乎下也

九四隨有獲貞凶有孚在道以明何咎

以剛居上之下大臣也又與五同德故言所計從隨而有獲然勢臨于五嫌于借偏則雖所為皆正而凶

惟中心有孚舉動在道如是明哲處之則上安下從
可無疑忌之咎也

象曰隨有獲其義凶也有孚在道明功也

隨有獲者其義常得凶也有孚在道者此乃明哲之
功真知孚可以自結道可以自靖也。爻以有孚在
道為明象推有孚在道之本于明

九五孚于嘉吉

陽剋中正下應中正是忘勢下賢信于善者也上下
交而德業成吉矣

象曰孚于嘉吉位中也

惟有中正之德故能孚中正之臣所謂取人以身

上六拘係之乃從維之王用享于西山

居隨之極隨人誠意因結而不可解者也王者用此誠意之極且可上通神明況其他乎。上句或指臣道說亦可

象曰拘係之上窮也

窮極也居隨之終誠意已極所以拘係而不可解

巽上下

蓋元亨利涉大川先甲三日後甲三日

剛上柔下君臣不交矣下巽上止君臣偷安矣故名蓋：壞之極亂當復治以天運言當得元亨而人事可不盡乎必勇往敬慎以求必濟如涉大川斯利乎

涉川之事何如必也前事已壞則用先甲之辛而自
新以辛契後事方始則用後甲之丁而丁寧以慮終
乃為利涉而元亨也

彖曰蓋剝上而柔下巽而止蓋

剝上柔下君亢臣卑也下巽上止臣諛君惰也如此
則積契而至于蓋矣

蓋元亨而天下治也利涉大川往有事也先甲三日後
甲三日終則有始大行也

治蓋而至于元亨時候則天下亂而復治之景象也
此見蓋當治矣涉川者正往而有事以治之至于先
甲後甲者蓋以亂之終便為治之始天運當然故息

承之也

象曰山下有風蓋君子以振民育德

山下有風物壞有事振民所以治人之蓋育德所以治己之蓋然有主德斯有民風則振民又本于育德也

初六幹父之蓋有子考无咎厲終吉

蓋者前人已壞之緒子能幹之則飭治而振起矣初六蓋未深而事易濟乘時而善反之子幹父蓋者也故為有子而考得蓋愆而无咎然亦危矣如危能戒念慮精而圖謀悉則蓋治而終吉也

象曰幹父之蓋意承考也

志在承膏考事置親无過所以幹蓋

九二幹母之蓋不可貞

剛中應五赴契維風治所當治子幹母蓋之象此貞
臣也然以剛乘柔恐所治者未克過激故又不可堅
守其貞當巽以入之也

象曰幹母之蓋得中道也

不乾不絛幹蓋中道

九三幹父之蓋小有悔无大咎

道剛不中則更張无漸措置乖方故小有悔幸巽体
得正有以濟其道到補其不中故無大咎

象曰幹父之蓋终无咎也

始雖有悔然矣止足以矯偏終无咎也

六四 父之蠱往見吝

以陰居陰不能有為樂因循憚更變寬裕以治蠱之象也如是則蠱將日深故往則見吝

象曰 裕父之蠱往未得也

裕以治蠱往必以濟

六五 幹父之蠱用譽

柔中居尊而九五承之以德是继世賢君而又寵任賢臣也以此幹蠱蓋愆中與可致聞譽

象曰 幹父用譽承以德也

由二承以剝中之德、在臣用賢在君故用譽

上九不事王侯高尚其事

剝陽居上在事之外故不事王侯治蠱之事而惟高尚其居仁由義之事

象曰不事王侯志可則也

康頑立懦志誠可則

兌下
坤上

臨元亨利貞至于八月凶

二陽寢長以逼于陰故為臨夫陽長之時又說順剝應則小人可盡吾道可行元亨矣然所必臨者止不示以隙而後元亨可保况陰陽迭勝時運之常自復至遯不過八月小人將復得志而君子有凶不可不

早防也。復臨泰大壯夫乾始遯此之謂八月

象曰臨到沒而長

二陽沒長臨通小人故名臨

說而順到中而應

內既和說外又柔順已先用壯人復同心卦之善又

如此

大亨以正天之道也

以此時魚此善大亨宜矣而又戒以利貞者孟子

臨小人之道乃天道也天道不外一正而臨小人可

不正乎

至于八月有凶消不久也

言陽之消不在久遠此雖天運當然君子宜知所戒
象曰澤上有地臨君子以教思无窮容保民無疆
地臨于澤上臨下也君子体之以教民則教思无窮
與兌澤同其深以養民則容保无疆鞫坤地同其廣
○无窮直言无疆横言

初九咸臨貞吉

初九一陽徧臨四陰咸臨之象且剝而得正則處置
得宜而小人可去貞吉

象曰咸臨貞吉志行正也

志欲行正道于天下故去其害正者是原咸臨之故
九二咸臨吉无不利

二六咸臨且到得中而勢上進則德與初合而勢較
隆矣故小人可去功業可成吉元不利

象曰咸臨吉元不利未順命也

小人未順君子之命故必臨而去之

六三甘臨元攸利既憂之无咎

陰不中正居下之上務為私恩小惠甘悅臨人之象
推不準動不化固無所利然能憂而改以從王道之
大則无甘臨之咎也。一說作媚悅以臨君子

象曰甘臨位不當也既憂之咎不長也

位不當謂德不足

六四至臨无咎

處得其位下應初九是大臣下賢肫誠懇切相臨之至此為相用人之体宜无咎也

象曰至臨无咎位當也

位言德當言正以己之正親人之正情意自極懇至六五知臨大君之宜吉

以柔居中下應九二其臨也不自用而任人此真明哲之主執簡御煩乃智之事而大君急先務之宜則賢才輔而天下治吉之道也

象曰大君之宜行中之謂也

君以任賢為中所謂大君之宜正行此任賢之中之謂

上六敦臨吉无咎

居卦之上處臨之終其臨也深仁厚澤淪浹髓敦厚于臨者也將克成久道之治而不負君師之責吉无咎

象曰敦臨之吉志在内也

志在内謂存心于天下國家蓋惟萬物一体所以終始如一

坤上下

觀盥而不薦有孚顒若

九五居上四陰仰之觀之位内順外巽觀之德九五以中正示天下觀之道所以為觀人君果能執中守

正恭已元為則實德在中自足為人瞻仰如祭者盥而未荐致其潔清不輕自用而其孚信在中不顯然可仰乎此德盛民化之象也

彖曰大觀在上順而巽中正以觀天下

大觀在上有其位內順外巽有其德由是建中表正以觀示于天下觀之道也此維皇建極。重末句觀盥而不荐有孚顒若下觀而化也

上以中正示下則下觀而默化于中正此維民歸極。一順說下不可以下釋上

觀天之神道而四時不忒聖人以神道設教而天下服矣

然觀道即天道也觀天之神道冲漠然運而四序不
忒聖人以天之神道設教喻以意不踰以法則民自
化中從正而神于服矣

象曰風行地上觀先王以省方觀民設教

巡省四方徧觀風俗而設為教典俾民皆化于中心
初六童觀小人无咎君子吝

陰柔在下才識淺下不能遠見大觀制作童觀之象
也此乃小人之分不足過咎在君子則不識聖明為
可羞矣

象曰初六童觀小人道也

小人在下之道

六二闚觀利女貞

陰柔在內而覲乎外則是大觀在上而惟窮居獨處
窺一二而已闚觀之象女子之心也豈丈夫所利
乎

象曰闚觀女貞亦可醜也

丈夫不能覲光揚烈乃效窺覲女貞不亦醜乎

六三觀我生進退

居下之上可進可退故不覲九五而獨覲已生乎所
行之通塞以為進退如可進則進否則退而修其進
之共而已。意重進邊

象曰觀我生進退未失道也

未失進退之道進非干時退非忘世何失

六四觀國之光利用賓于王

四最近五是身處岩廊而凡治象光華皆親見之矣
君子際此已仕則利用朝覲未仕則利用仕進共作
賓王家可也

象曰觀國之光尚賓也

惟君尚賓賢之禮故臣觀王國之光

九五觀我生君子无咎

陽剴中正以居尊位四陰仰之大觀在上之君子也
居此位當觀己所行必其陽剴中正一如五之君子
則足以觀天下而无咎也

象曰觀我生觀民也

明人居不但觀己所行又當觀民德之善否以驗一身之得失也

上九觀其生君子无咎

陽剋居尊位之上師天下之君子也當其任者必及觀其生道德學術一如上九之君子則无愧于师天下而无咎也

象曰觀其生志未平也

觀其生者言其不忘戒慎恐負師保之責也此原反身之心

離上
雷下

噬嗑亨利用獄

卦象頤而九四一陽間之如梗化之人必去之而後合故名噬嗑夫梗化去則治化行亨矣然去間必刑不可而卦之威得中又用刑之善者故利用之而小則懲戒大則誅戮然後間去而治亨也

象曰頤中有物曰噬嗑

頤中有物則是寇賊奸宄蚩夷猶夏有以間吾一統必去之而後合故名噬嗑

噬嗑而亨則柔分動而明雷電合而章柔得中而上行雖不當位利用獄也

詞曰亨者梗化之夫噬而合之則亨矣又曰利用獄

者治獄之道貴威明得中為卦剝柔分是剝不暴柔不殺也動而明是威足斷明是照也雷電合章則威與明又相濟而顯也柔中上行則柔與剝又相調而出也此皆用獄之類故五雖以陰居陽為不當位不能盛德化民然用此治獄則間之而利矣

象曰雷電噬嗑先王以明罰勅法

雷電文至威明去間之象夫有間後合何如未間先防先王明辨大小輕重之罰勅為定法使不敢犯此善于防間不待噬而後合者也。明罰即所以勅法是主法時事非用獄時事

初九履校滅趾无咎

初在卦始罪薄過小故但用輕刑儆其初如屨校臧趾之象則小懲大戒而止惡于初矣无咎。屨者也校是械也

象曰屨校臧趾不行也

屨校臧趾則創懲而不進于惡矣不行也何咎乎

六二噬膚臧鼻无咎

六二中正是明斷合宜可片言折獄者故其所治如噬膚之易誠以柔柔到所過強梗亦不免刑誅至于傷臧人鼻然刑當其罪終服其心何咎。膚肉之柔脆噬而易噬者也

象曰噬膚臧鼻柔到也

噬膚矣又臧鼻者以柔初剝不易剝也

六三噬腊肉遇毒小吝无咎

陰柔不中正治人而人不服噬腊肉遇毒之象占雖小吝然特當噬嗑治所當治于義无咎也

象曰遇毒位不當也

陰柔无治獄之才不中正无治獄之德故人不服

九四噬乾肺得金矢利艱貞吉

以剝居柔明斷欽恤故雖治難治之獄而堅者破直者伸為噬乾肺得金矢之象然必存心艱用法正則天下稱平而吉矣。肺肉之帶骨者與哉通

象曰利艱貞吉未光也

乃聽訟之事非元訟之事故曰未光

六五噬乾肉得黃金貞厲无咎

柔中居尊是慈祥而又非姑息者故用刑于人人无不服而中以翰突以獻有噬乾肉得黃金之象然必用法正而不苟存心危而不忽則刑當而无咎矣

象曰貞厲无咎得當也

貞厲則用罰當故无咎

上九何校滅耳凶

過極之陽在卦之上忘極罪大當服上刑凶之道也

象曰何校滅耳聽不明也

明罰勅法所宜審聽滅耳蓋罪其聽之不聽也

離上
艮下

賁亨小利有攸往

為卦剝柔爻錯文明以止皆文飾之意故名賁、貴
得中如柔來文剝是質主而文輔而離明又深達時
宜何文不可行也亨如剝上文柔是文主而質輔况
艮止又不知變通則僅可文一時飾一事而已故小
利有攸往

彖曰賁亨

文以輔質則文質彬彬故亨

柔來而文剝故亨分剝上而文柔故小利有攸往天文
也

質以輔文則文勝其質故小利有攸往卦之剝柔爻
錯是即日月星辰往來交錯為章于天者也非天文
乎賁義通于天矣

文明以止人文也

即此賁中之天文觀之則知為春為夏者剝交柔為
秋為冬者柔交剝可用以察時變矣即此賁中之人
文觀之則知使天下化于文明而成守禮之俗化于
艮止而成守分之俗可用以化成天下矣賁道之大
如此

象曰山下有火賁君子以明庶政无敢折獄

山下有火明不及遠庶政事之小者折獄事之大者

初九賁其趾舍車而徒

剛德明体道德為履仁義為華自賁于下而舍富貴安賁賤為賁其趾舍車而徒之象。二句一意

象曰舍車而徒義弗乘也

見非石隱義不可受耳

六二賁其須

二以陰柔中止三以陽剛而得正皆元應與德同則季勢孤則援故二附三而動謀猷皆伏乎三而文德文治昏此就夫為賁其須之象

象曰賁其須與上興也

言曰三而動而與起有為也

九三賁如濡如永貞吉

一陽居二陰之間承宣有人而已將從容無事得其賁而潤澤者也然陰易溺人故必永守其心不溺其安則有以起畏敬消不遜而吉矣

象曰永貞之吉終莫之險也

陵生于狹永貞則有可憚无可忽終莫得而陵之矣故吉

六四賁如皤如白馬翰如匪寇婚媾

皤白也四與初相與賁皇猷者乃為三隔而失其賁故皤然而其求賁于初之心甚急甚切如飛翰之疾也然九三剽正非為寇者乃求親暱于四耳而如四

之不安責何

象曰永貞之吉終莫之險也

當位疑謂近于三遠于初所當之位可疑故表三之求也終元尤謂三雖近我君守正而不與則三終諒之亦元他迷也。當位疑難之也終元尤壯之也

六五責于丘園束帛戔々吝終吉

六五柔中為責之主敦本尚實得責之道故有責于丘園之象蓋不以繁華為而以樸素為責者也然陰性吝嗇即禮賢事神亦失太簡故有束帛戔々之象責歸之時如此儉嗇雖可羞吝然禮奢寧儉世道賴之故得終吉

象曰六五之吉有喜也

一人崇儉則四海還醇可不為世道喜

上九白賁无咎

賁極反本復于无色是當文勝末流而盡革泮革獨還質樸以白為賁者也有何滅質之咎

象曰白賁无咎上得志也

厥文尚質上九之志白賁无咎則得志矣

坤上下

剝不利有攸往

五陰方生一陽將盡故為剝、固當止又內坤外艮有順時而止之象故君子當欽德避難不可有所往

也

象曰剝剝也柔變剛也

言柔進于陽將盡去君子而易以己黨是變剝為柔也

不利有攸往小人長也順而止之現象也君子尚消息盈虛天行也

不利有攸往者小人浸長時當止也且卦有順止之象君子觀此蓋不可往也且又剝之時陽消而虛矣陰息而盈矣君子現象而止者正尚此消息盈虛之時乃天運之必然者豈可有所往哉

象曰山附于地剝上以厚下以宅

休養樂利以厚民生乃所以安上之位于不傾也

初六剝牀以足蔑貞凶

初始剝陽未奪其位已侵其权犹剝壯而初及足勢必蔑貞而君子凶

象曰剝牀以足以滅下也

言陰之滅陽自下而起也

六二剝牀以辨蔑貞凶

二進而上邪謀愈肆象剝牀以及辨：牀幹也

象曰剝牀以辨未有與也

竟與尚未大盛君子可不急備

六三剝之无咎

衆陰方剝陽而已獨應之剝其究而從正則无害止
之咎也

象曰剝之无咎失上下也

言失上下之四陰而獨從正也

六四剝牀以膚凶

陰裊切身其凶可知

象曰剝牀以膚切近災也

災及其身切而且近

六五貫魚以宮人寵无不利

五為衆陰之長當率其類受制于陽政叔國事一
聽命如貫魚順序以宮人承寵于君子則社稷之福

小人之庇也元不利

象曰以宮人寵終元尤也

害正可尤從正何尤

上九碩果不食君子得輿小人剝廬

一陽在上未盡復生是天畜一君子以開太平者如碩果不為人食可猶復生也夫剝極猶有此君子必為萬民所載如得輿然若小人欲盡去之則亦自失所覆而剝廬耳何利乎

象曰君子得輿民所載也小人剝廬終不可用也

有德君子民所共載剝陽止以自剝終安用之

震下
坤上

復亨出入无疾朋來无咎及復其道七日來復利有攸往

復陽復生于下也陽往復返君子可為之時故亨又
內震外坤有動而以順之象故以一陽言而已之出
入既得无疾而亨在己以眾陽言而朋類之來亦得
无咎而亨在人此豈人力也哉嘗以陰陽反覆之道
推之自始至此時凡七日天運自然陽當來復天之
昌人有如此耳由是則德方長而功業可建不利有
攸往哉復所謂亨如此。曰亨曰无疾曰來復以一
陽言曰无咎曰攸往以眾陽言

象曰復亨剛反

到及則亨

動而以順行是以出入无疾朋来无咎

順理而行不驟不激則无隙可乘自无疾咎

反復其道七日未復天行也

陰陽消息乃天運循環所必然也

利有攸往剛長也

既生則漸長君子滿朝而吾道大行矣

復其見天地之心乎

積陰之下一陽復生天地生物之心幾于滅息至此

乃復无中含有絕處復續生物之心不于此可見乎

象曰雷在地中復先王以至日閉閤商旅不行后不省

方

不行非厲民不省非廢事安靜以養微陽使藏之原而發之力耳

初九不遠復元祗悔元吉

復之主也又居事初失之未遠能復于善念起即覺念覺即消不至形于事而抵于悔也則有以還繼善之体大善而吉矣

象曰不遠之復以修身也

正心所以修身

六二休復吉

柔順能從人中心能擇善近于初九而能下之資其

切，砥日復于善而不自知復之休美者也。德進業修吉之道也。

象曰：休復之吉，以下仁也。

初九：仁人二能下之以友輔仁，故休復而吉。

六三：頻復厲无咎。

陰不中正，其資偏又處動極，其性躁，出入理欲，復而不固，屢失屢復之象。屢失固危，復則无咎。

象曰：頻復之厲，義无咎也。

頻雖不免于厲，然復則補過矣，于義為无咎也。

六四：中行獨復。

處群陰中，獨與初應，為眾與俱行，不與眾同流而獨

能從仁人君子以自復于善之象

象曰中行獨復以從道也

初乃有道四惟道是從故遠眾獨復

六五敦復无悔

以中順居尊當復之時是天資純粹而又以復善為心者故其操存之固不以始終間久暫移敦厚于復之象此由及入性无悔之道也

象曰敦復无悔中以自考也

考成也有中德以自成不待于人故敦復

上六迷復凶有災眚用行師終有大敗以其國君凶至于十年不克征

以陰柔居復終：迷不復之象凶也。天災人青，雜然
並至，且將終身汨沒，不能自反，猶用行師，終有大敗。
而以其國君凶，至于十年不能雪耻，迷復之凶如此。
○用師以下，是占中象不可實作行師。

象曰：迷復之凶，反君道也。

君道貴乎改過，迷復則反君道矣。

震下
乾上

无妄元亨利貞，其匪正有眚，往

卦自訟變九未居初，又為震主動而不妄者也。故曰
无妄又動健利，應皆誠之意，誠能動物，當得无妄然。
砭：信果則誠而非正矣。故惟正乃亨。君其匪正，即

非誠未有能動物者則有肯而不利有所往也

象曰无妄剄自外来而為主於内動而健剄中而應大亨以正天之命也其匪正有肯不利有攸往无妄之往何之矣天命不祐行矣哉

剄德外馳今復内主所存誠也而且有為不挽所發誠也實德文厚所與誠也故當獲大亨而又利于正者乃天命之當然也其有不正則不利有所往者蓋既无妄矣而以不正往欲往何哉益其逆天之命而天不佑之故不可以有行也

象曰天下雷行物與无妄先王以茂對時育萬物天下雷行震動蕝生萬物各正性命是物也而與之

以无妄也先王法此茂對天時以長養萬物則保其
咸若之天不戕其无妄之性焉

初九无妄往吉

以剛在内誠之至也是真心真实者如是而往何物
不動其吉可知

象曰无妄之往得志也

行无不得自慎于心

六二不耕菑不菑畲則利有攸往

柔順中正因時順理而无私意期望之心故无所為
于前則不耕不菑也无所異于後則不菑不畲也此
純乎天理之學則不期利往而往自利矣。一歲之

田 始于耕終于獲三歲之田懇于苗熟于奮
象曰不耕獲未富也

言无所為而為非計其利而為之也。初為有主而
實此為无欲而虛

六三无妄之災或繫之牛行人之得邑人之災

三六无妄但處不得正則居非地過非人故无故而
有灾德與謗道致毀如行人牽牛以去而居者及遭

結捕之掇非无妄之災乎

象曰行人得牛邑人災也

得在行人災在邑人所謂无妄之災

九四可貞无咎

陽剋乾，體下元，應與是有天德，元物交者止，可固守。實心不可妄，應動物如此，則元二三之咎矣。主有誠之學說。

象曰：可貞，元咎，固有之也。

有猶守也，固守其元妄而勿失也。

九五元妄之疾，勿藥有喜。

乾剋中正，以居尊位而下應六，中正君臣同德，內治已脩，元妄之至也。如是而有疾，中外之變生于不測，則元俟攻擊而彼將自定，勿藥而自愈矣。所謂治以不治也。

象曰：元妄之藥不可試也。

既已无妄而復蕪之則及為妄而生疾矣傷回家无
氣殘虐民生命脉其可試乎

上九无妄行有肯无攸利

上非有妄但窮不知变不可行而行耳則乖事理拂
人情有肯何利

象曰无妄之行窮之災也

乾下
艮上

大畜利貞不家食吉利涉大川

以艮畜乾畜止大也乾艮日新蘊畜大也故名畜不
大則隘不正則邪不用則私君子畜古今大學術大
經濟而又聖賢為師不雜異端由學而由是食祿天

朝大辰蘊藉是扶危定難弘濟時艱此有齡有用之學而畜大矣。利貞內聖之德下二句外王之業

象曰大畜剛健篤實輝光日新其德

性醇健而物欲去行篤實而光輝發內外交修而德與日俱新矣

剛上而尚賢能止健大正也

剛德升朝非正則拘人矣折節下賢非正則虛拘矣止健鋤強非正則徒令矣皆非大正不能况畜德可不正乎

不家食吉養賢也

惟大君不養養賢之典斯君子不步家食之微

利涉大川應乎天也

天者時而已矣君子所行上合乎天張弛闔闢皆以時措故利涉大川

象曰天在山中大畜君子以多識前言往行以畜其德
前言往行皆德所散現多識之心以厚畜吾德

初九有厲利已

初為四止君子阻于小人故上往則危而知止則利
象曰有厲利已不犯災也

知危而止則不犯摧抑之灾故利

九二與說輒

二為五畜以其處中故能審時度勢自止不進

象曰輿說輟中无尤也

二有中德故無躁進之尤

九三良馬逐利艱貞曰閑輿衛利有攸往

以陽居健極則難畜矣上以陽居畜極則不畜矣又皆陽爻故不相畜而三隨上進同升于朝有良馬逐之象然過到銳進故必艱難其慮貞固其守日閑習乎致遠之共周身之防則得遂其進而利有攸往也象曰利有攸往上合志也

三欲上進上心欲進與之合志故不相畜

六四童牛之牝元吉

此大臣止暴者初忘未形于此畜之道以改令治以

教化如牯牛于未角之時以德化民為力則為大善而吉也

象曰六四元吉有喜也

止惡未形不勞而化豈不有善

六五豮豕之牙吉

陽進而上不若動之易矣然柔中居尊為能察其机變塞其原不授以世業教以禮義以潛消為惡之志如豮豕之牙然則不威而民化吉矣。豮所以去其勢不去其牙而去其勢則牙雖存而无害

象曰六五之吉有慶也

制惡有道而強暴盡化天下受其福慶矣

上九何天之衢亨

畜極而通及側盡平大順大化豁達无礙天衢之象也何亨如之

象曰何天之衢道未行也

人心无處不服則王道无處不流

震上下

頤貞吉觀頤自求口實

外實内虛頤之体上止下動頤之用故為頤養道得正則吉觀頤謂觀所以養德之道如聖賢之學則正異端之流則非正自求口實謂觀所以養身之道如合于礼義則正害于飢渴則非正兩者得正則吉也

象曰頤貞吉養正則吉也觀頤觀其所養也自求口實
觀其自養也

頤貞吉者養得其正順天理戒人欲則吉也觀頤言
觀所以養德者必正而後吉也自求口實言觀所以
養身者必正而後吉也

天地養萬物聖人養賢以及萬民頤之時大矣哉
天地施澤養物以太極之理養其性以太和之氣養
其形聖人養賢及民使司教之以養其性使司牧之
以養其生天地聖人不外于養之義不以大乎

象曰山下有雷頤君子以慎言語節飲食

慎以養德即以養身。節是禹鍾鼎頤簞食非苟山

中有雷有欲滅之意焉

初九舍爾靈龜觀我朵頤凶

初陽在下足以不食本有天爵而不顧膏粱者上應六四動于利欲則是棄天要人猶舍爾不食之靈龜觀我而朵其頤也敗名喪節凶孰甚焉

象曰觀我朵頤凶不足貴也

德本可貴失守則不足貴矣

六二顛頤拂經于丘頤征凶

陽到足以養人陰柔不能自養若求養于初則寄食卑賤之人既顛倒而違理若求養于上則奔走權勢之門徒見斥而得凶

象曰六二征凶行失類也

初上皆非其類情分不投往而從之其誰與我

六三拂顯貞凶十年勿用无攸利

陰不中正昏邪而躁妄者也故養德則徇利養身則徇欲拂顯道矣則雖利欲所在情所不免貞也而凶但是終身汨沒不用可笑身名俱喪何所利乎。此處富貴而不知節者

象曰十年勿用道大悖也

肆情縱欲大拂養道故終不可用

六四顯顯吉虎視眈眈其欲逐无咎

柔而得正所應又正而賴其養以施天下似顯乎顯

然養賢及民雖顛亦吉故天下賢之專如虎視眈眈求賢之繼如其欲逐之斯無負大臣養賢之責而无咎矣。此大臣賴賢以養民者

象曰顛頤之吉施光也

得賢養民其施光被故吉。上謂四

六五掛經居貞吉不可涉大川

陰柔不中正而居尊位不能養人及賴上九之養掛其常矣然用賢養民亦正道也。君此貞而不變則天下被澤而吉若欲自用以濟則行險矣何利。此大君賴賢養民者

象曰居貞之吉順以從上也

巽順以從上九而无自任之心

上九由頤厲吉利涉大川

五頤上以養是民物皆內上養也位高任重必爰勤
惕厲則勝任而吉且陽到在上即弘濟時艱亦无不
利。此大臣為君養民者

象曰由頤厲吉大有度也

由頤能厲則天下皆被其澤而大有度也

巽上下

大過棟橈利有攸往亨

四陽居中過盛時勢極重而不可返故為大過上下
二陰不勝其重則委靡之才必至債事故有棟橈之

象又剄中巽說能通時文有亨之道故利往而得亨也

象曰大過大者過也

大陽也四陽居中通盛則是天下之事極重難返時勢之難為者也

棟橈本末弱也

本謂初末謂上弱謂陰柔

剄過而中巽而說行利有攸往乃亨

剄毅過人而裁之以中且內沉潛而入事理外和順而協人情往而亨也乃以是耳

大過之時大矣哉

大過之時非有到中巽說大過人之才不能濟也故
嘆其大

象曰澤滅木大過君子以獨立不懼遊世无悶
挺然流澤之中而不惧超然名譽之外而无悶此有

大學術大操守者

初六藉用白茅无咎

當過之時以陰居巽下過于畏慎者也是以國事接
物慎而又慎如錯物于地而又藉以白茅則敬慎不
敗而无咎矣

象曰藉用白茅柔在下也

陰柔无象舉之氣在下有鎮密之思

九二枯楊生稊老夫得其女妻无不利
陽過之始而比初陰是大臣高明而濟以柔克剛道
而中者也不廢不折事乃克濟象尤枯楊生稊而發
生有機老夫女妻而生育有賴何不利之有。稊根
也

象曰老夫女妻過以相與也

言陽道之始而得初陰以相與也

九三棟橈凶

三四二陽居卦之中大臣之位棟之象也以剛居剛
不勝其重則剝復自用而敗乃公事矣故象橈而占
凶

象曰棟橈之凶不可以有輔也

過剛拒善誰可輔之

九四棟橈吉有它吝

以陽居陰剛而不過肩供任鉅何功不立故象隆而占吉下應初六以柔濟之則有它而過于柔矣太柔則廢吝也

象曰棟橈之吉不撓乎下也

剛柔適中不至撓敗

九五枯楊生華老婦得其士夫无咎元譽

陽過之極又比道極之陰不能相濟旬為象尤枯楊生華老婦士夫是雖無債事之咎然君臣不能濟道

何嘗

象曰枯楊生華何可久也老婦士夫亦可醜也
上九過涉臧頂凶无咎

道極之地才弱不濟而以身殉此殺身成仁之事雖
凶何咎

象曰過涉之凶不可咎也

事雖不濟心无可尤

坎坎
下上

習坎有孚維心亨行有尚

上下皆險故名習坎為卦中實有孚亨義人能實心
處險義命自安則无入不得而此心亨通矣以是而

行則能靜現時變終成出險不有尚乎

象曰習坎重險也

險而又險禍患深矣故名習坎

水流而不盈行險而不失其信

水之流也足此通彼不至盈溢夫水是行險也而萬
古此流萬古此不盈是不失其信也水之內實而行
有常可以見有孚之義矣

維心亨乃以剛中也行有尚往有功也

以剛在中則是一真為主利害不搖而此心自亨如
是而往必能相時現變而出險有功。剛中即是孚
是原亨之本于孚也

天陰不可升也地陰山川丘陵也王公設陰以守其國
陰之時用大矣哉

天有陰高不可升是地有陰山川丘陵是王公有陰
紀綱法度城中甲兵以守其國是陰之時用通于三
才不其大乎

象曰水洊至習坎君子以常德行習教事

學不厭教不倦治已治人皆必重習然後熟而安之
也

初六習坎入于坎窞凶

以陰柔處重陰才弱勢危險而又險其險益深凶也
象曰習坎入坎失道凶也

陰柔失濟險之道故凶

九二坎有陰求小得

二處重陰之中人臣當固難之衝坎有險也幸其剋中尚可維國勢于不喪求小得也

象曰求小得未出中也

未出乎險之中

六三來之坎、陰且枕入于坎窞勿用

陰柔不中正履重險之間未往皆險前陰後枕其陷益深不可用也

象曰來之坎、終无功也

六四樽酒簋戒用缶納約自牖終无咎

九五尊位六四近之在險之時則柔相濟其倚任有倍平時故不必尚儀文拘形跡但益以樸忠以自結納而獻替委曲明因通蔽為但用薄禮蓋以誠心進結自贖之象忠不疑巽易入始雖險阻終得有濟

象曰樽酒簋飯剛柔際也

在險之時則柔相濟勢相倚而心相求安事文飾

九五坎不盈祇既平无咎

五在坎中未離險阻然剛中有才居尊有勢而時亦將出有可濟之機矣夫險為平可立俟者猶坎水雖未至盈而出然已至于平而將盈矣艱難克濟君責已塞无咎

象曰坎不盈中未大也

有中德而未大有為時為之耳

上六係用徽纆寘于叢棘三歲不得凶

以陰柔之才居險極之秋終陷于險而不能出其凶

甚矣

象曰上六失道凶三歲也

上六陰柔故為失道而凶

離上下

離利貞亨畜牝牛吉

陰處于陽附麗之意故名離人臣麗心貴正尤貴順
必陳善闕邪而貞則蘊藉辰而亨必元作威福如畜

牝牛則龜春隆而吉也

象曰離農也日月農乎天百穀草木農乎土重明以農乎正乃化成天下

天統元氣而日月以氣農地統元形而百穀草木以形農豈君獨元農乎但見秉緝熙之德農明体之心為能心百官正萬邦而天下成文明之化矣。此言明、在上

柔農乎中正故亨是以畜牝牛吉也

君以重明作臣不以忠順附乎六二柔農中而得正是德本微柔而裁以中處以正不激不隨即此是貞而亨即此是畜牝牛之順而吉矣。此言耕、在下

○舊說重明魚君臣正作君臣之位卓出此節從之
象曰明兩作離大人以繼明照于四方

上下皆離重明相繼大人日新又新繼續其明使德
輝宣著而光被四方與離明一矣。繼明就是照四
方非兩截事

初九履錯然敬之終咎

劉處明体自恃才識志欲上進不少忍耐為履錯然
之象敬以處之不急于進則无履錯之咎矣

象曰履錯之敬以避咎也

敬之正以避履錯之咎

六二黃離元吉

柔處乎中而得其正成君德則將順而匡救輔君治則渾厚而精明以中為慶者也翊繼以而衰盛化元吉

象曰黃離元吉得中道也

慶君得乎中道所以元吉。得中就是黃離

九三日晏之離不鼓缶而歌則大耋之嗟凶

重離之間前明將盡盛極而衰也故有日晏之象此時事之无可奈何者如不安常理以自樂則不能自處而徒戚于危亡而凶矣

象曰日晏之離何可久也

盛極將衰喪元日矣

九四突如其來如焚如死如棄如

後明將繼國運初回之時而以剝迫之更張驟措置
乖為突如其來如之象則激而生變災必速身

象曰突如其來如无所容也

言必取禍无以自存

六五出涕沱若戚嗟若吉

以陰居尊柔處乎中然不得其正則君道未純迫于
上下二陽則君權下替必反已自脩而憂惧首出如
出涕沱若戚嗟若然後可收其叔保其位而吉也

象曰六五之吉離王公也

言以憂惧而得農王公之位也

上九王用出征有嘉折首獲匪其醜元谷
剴明及遠王者用此出征則有嘉美之功首惡就誅
而威自震曾徒剴治而刑不濫既非姑息又非寡恩
何咎

象曰王用出征以正邦也

豈窮兵哉寇賊亂邦故兵以正之